

خَلُّو النار والعا (١٩٩٩)

- أنا مش من يَلِّي بيبوسو إيد المغتصب، ولا بكسرات إشحد الحريِّي للأبريا المَستوفين بالحبس.
- قَصْنِي إنو الوطن كَلُو صار قفص كبير، متلان عصافير عم ينتقولون ريشن ت بَس يسَقعو يجو يخرقو بين إيدِين المغتصب (*).
- ولا أنا من يَلِّي بيمدو إيدُن ت ياخدو شي من تحت الطاولي. ولا البيخبو الورقا اللَّي بتريح، وراقي كَلَا مكشوفي ع الحقيقا الكبير.

أنا الإيد اللبنايِّي اللَّي فيا من كل إيدِين الضعاف، الفقرا، المطَّهدين لأئن أنقيا. الإيد المغطوطا بالحق اللَّي نعطالنا من البدايي، وعم تضرب بكل قَوْتَا ع طاولة ولاد الصفا، من قصر بعدا لهالقصور "المقدسي". إيد ولاد الإنجيل اللَّي كانو يشيلو القمطا والبنشوقا عن راسن ويصلبو إيدن ع وُجُن بَس يمرق مطران أو شي راهب. الإيد - الشعب المطبَّقا بوج هالكم نيرون يَلِّي حرقو لبنان ت ما يحترقو، ويحطو إيدن عليه.

Je ne condamne pas en bloc .
المعركي ضدّ شي خمسميَّة عاطل، في مئن بكل الحقول، بيتناولو السلطا من بعضن مثل لعبيّة الملاعب.

معركتنا إنو ننزلن عن مسرح السياسي ونبدلن برجال "مش من قماشة البدن يقلبو الطاولي من جوا" رجال شايفين الحكم ترسل، مش صفقة العمر .

- في خمسميَّة اسم بالوطن الزغير، رجولئن مفسوخا، عم تزوم وتنز سكوت، ببشبه قرون البريئا بس تسمع خربشي .
- كل هالاسامي اللَّي بتمرق كل يوم ع محطات الفيزيو أوديتيف ومطروحا ع شعب الوطن الزغير، إتا كبير، مش إلا بوالين منفوخين بخوا أصفر، ما بدن إلا نكزي ت يققعو ويغيبو عن سما الزاكرامتل دخان المشحرا. ب إختصار :

Beaucoup de "grands noms" seront jetés aux chiens.

- لوي فيليب اللَّي حكم فرنسا من ١٨٣٠ ل ١٨٤٨، قال عنو Victor Hugo بمزكراتو -1830 choses vues, ١٨٤٦ "بكرابس عهدو يسقط ويسرب ع البيت، رح يكون فاشل إذا عمل إستاناز مدرسي. أحسنلو يفتح شي دكوني

زغيري تَ بقدر يديرا. " مدري كِم لوي فيليب – ع زغير – مَرَقو ع قصر الحكم، من القنطاري، للزوق، لسن الفيل،
لَ بُعبدا، تَ صار لبنان دگان، ينادي ع الكرز ويبيع ثوت شامي؟

(٣) - إيار (١٩٧٧) بَلَشو يَكْسو الدمار من بيروت. مبارح لَمو الجنت المخمرا، اليوم لَمو الزبالي، وطبلو وزمرو، كأنو
بيروت نصفت من الحرب للأبد، ورح ترجع "عروسة المتوسط الشرقي."

نسيو إنو جنت الحرب مش إلا نقحا من جنت الفكر اللّي حگمنا بأخر تلت جيل، وزباله الشوارع، شي من العم يصير
تحت طاولة المتسلطين ع الوطن الزغير.

يا ولاد الرغوي اللّي ربيتو ع فتافيت التاريخ، بعد رح يصير حرب ألن وأجرم من حرب السننن. لأ، مش خيالي أنا.
إنطرو، واللّي عندو ملجا ينصفو .

(٧) - حزيران (١٩٧٩) قاتلنا ع مناير السياسي، مناير الورق، ع روس الجبال، مش تَ نقتل، تَ نخلص اللّي منحبو
وبدُن يمحوه ويحطو مطرحو اللّي ما بيبأخذ علينا .

(٢٥) - آدار (١٩٨٠) إز بولونيا وفييتنام – تَ ما نقول أكثر – عم يعانو المطهر من ثلاثية سني. لبنان من ستعشر مية
سني .

(٦) -تشرون (١٩٩٨) ويَلَشو بالتهاني قبل الإكليل. نسيو إنو البننت حبلي من ثلاث تشهر. وبكرا وجوهن رح يتمرغو
برغوة المخاض .

تشرون (١٩٩١) الحريي – اللّي بتدل إجرينا ع الطريق – أو كلاً سوا، ول آخر لبناني واقف ع آخر شبر من الأرض اللبناني،
أو المعركي طويلي.

ويا ليالي الحب جيبني أبطال .

-في مشكلي أكثر من تاريخي عند بعض الشعوب الأفروآسيوي بتخصر ب اربع كلمات:

. inegalite sous plusieurs formes' وفي خضوع قديم مثلش بجسم المرا ويزاكرتا.

يلأ بقا، مسحي وجك من عتم المبارح كلو، وتطلعي بالشمس .

-الحرّي والمساواة ما بينعطو منا. الحرّي مثل حبة القمح، ت تفرّخ وتحمل، لا بدّ من إنّا تموت. الحرّي قبل أيّا شي تاني بينمات عنا .

-في خوف عتيق ع المتوسّط الشرقي (قلت المتوسّطت ما روح ل أبعد). شعوب خايفي من بعضا و ع بعضا، من شبح المطلق القاعد بكعب الزاكر، شبح الخوف اللّي إسمو بكرة. أو: مش عارفين شو اللّي ناظرن، وخايفين يعترفو باللابد إنّو يحدث، وهوي التطور. أو بعدن مش مصدقين إنّو الحضارات مثل البشر: بتموت.

حتّا لما عاد فين يتحملو ثقل الماضي وغيرو. وبدن يغيرو، وخايفين م التغيير يكون البدايي (إشيا وإشيا كانت مطلقا، رح ينحط تحت مئا زيح أحمر). ومن هيك: غيرو غراض وما سنترجو يغيرو ولا فكرا، مئا ولا يوتا. عم ياكلو من حائلن وحائلن، مثل السجرا القديمي البعدا عم تزهّر وتعقد، لأنّ شلوشا غماق ب أرض التاريخ .

-تحويل المجتمعات من بدائي ل متمدني، هوي إنّك تنفك من عقد المطلق. الرقي والتأخر بيكونو بقيمة التحدي المطروح ع المجتمع، وقيمة الردّ عليه .

-إزا نهرين بيلتقو بنص الطريق، وإزا كل يلّي بيحكو وبيكتبو فرنساوي بسويسرا وبلجيكا، بيعتبرو حالن فرنساوي. هلّق بمضي إنّو لبنان جزء من شعوب المنطقا .

بس إنّ يخلطو الشعوب ببعضن مثل م يخلطو ورق القمار، شي بيخوف.

قمار الورق بيخرب بيوت. قمار السياسي بيخرب أوطان. لمن سمعت إنّو عملو من اللّي عايشين بشارع الحكمة – الأشرفي، واللّي عايشين بشارع الرّس – السعودّي، شعب واحد، شاب شعري وبعده لليوم شايب. (اللبنانيي الما بيطلعو فرّكوشين، ما قدرنا نخلطن ببعضن، وكل تلت جيل عم يعملو حرب بسبب الخلط المزاجي الرومانسي- المريض) .

-من سنة التسعين لليوم، كل شي عم ينما وينكأتر: عدو معي: الظلم، المقهورين، المتهمين وهنّي الأبرياء، الموقوفين بلا محاكمي ومش عارفين ليش، التهم المرگي، الدعوى المطمّشي بالعلم لأنا بتفضح أسامي قال "كبيرى" وهنّي أزغر من بحصا تحت الخابي. السكوت عن الحقيقا، النفاق المدروس اللّي صار موصا. الأحكام الما تنفّزت لأنّ خلفا نفوز، القضاة الما بتقرا ع وجن ولا شر قوطا ولا لمحا من نقا العدالي الإلهيّي. القضاة اللّي ما ترقولان نقاوتن بتخوف.

-لو شي يوم طلع ، وشفت الكل زاحفين لعند بيلاطس وقيافا. رح ضلّ واقف بين الألف الثاني وأول الثالث، وإصرخ: لأ، لأ، لبنان شغل لبنان. شغل اللبنايّي .

-من تشرون التسعين ل تشرون التمانى وتسعين. ولمدري أيّا تشرين: نحن ما حدا. غيرنا بيحكي عنّا، وبّ إسما. بيعين نواب ووزرا، وروءسا. وبيقلنا هيصو، هيدي إرادة الشعب ونحن نُحنينا قدام إرادتو. التمن رح يكون غالي إزا ما صدقنا. وإزا صدقنا أغلا .

-الغرب بعد ما قدير يحط بزات الكيس، مش ابن باريز وابن كراغوفيا، حتّا المدريدي والكتالوني.

كيف ولاد الجهل بلبنان ودوول المتوسّط الشرقي (وبينعمولن بعض الدوول من الغرب) عم يحطو الأردني والمصري، واللبناي والصومالي بزات الكيس، ويعملو منن شعب واحد – تأخر واحد .

وأنا بعدني مش قادر حط بزات الكيس، مش الروم الكاتوليك والروم بلا كاتوليك، راهبين من رهبان المارونيا النازلين من سليلة إيل، من داير مار مطانيوس بيّ الرهبان، ومن رقبة مار مارون بيّ المارونيا، وبيقدسو بزات القدّاس وبيرهينو بزات الشحيمي.

بقول بنبرة اللّي ربي ع خبز الحريّي، ومن ستين مية سني دابق نعمة الوطن:

في الصومالي وصوماليّو، واللبناي ولبنانيّو. الصومالي يُصومل واللبناي يلبنين، وهيك المصري والعراقي والأردني والتونسي. ونمشي ع نعمة الرقيّ، نحن وعم نعترف قدام زاتنا بالأول، إتو الحضارا زايلي. وبيجي يوم، بتخايلو مش بعيد، ومنضهر منة هالوهم اللّي إسمو المطلق، ونصّح من مرض الكترا، و"النحن وبسّ."

بسّ يلي بعدن ماسكين القرار ومطبّقين إيذن عليه، ما قِدرو يشوفو ايا حلّ برائن، حتّا لو كان الحل كبير. راحو بكل تعاسي جمعو التأخر بالجهل وضربوون بالكترا والتنايج = آخ آخ .

-أو مُنْعَمَل شَعْب كبير ع الأرض الزغيري، أو منضَل كل توالد نَحْمَل ولادنا ونرْكُض، شي ع الملاجي، شي مدري لوين. مُبَلًا: رح يضلُو تجار الحروب والسلاح يتصيّدو بِنَقَط ضعفنا يعملو حروبُن عَنَّا، ت يشيلو السلاح العتيق من جبخانائُن ويوسعو مطرح للسلاح الجديد .

من زمان كان في valet de chamber. رح يجي يوم ويصير في chien de chamber, valet de lit. وبالسياسي في ”جزما . valet de”

-إزا دوول المتوسّط الشرقي، مش رح يضرهرو من هالدايرا المسكرا اللّي إسما المبارح – ويعترفو:

Primo: كل حكي ع تمّ أيا شعب من شعوب الأرض هوي لغا مش لهجي.

Secondo: اللغا المحكيّ إن كانت لبنانيّ، أو مصريّ، أو عراقيّ، أو تونسيّ أو سعوديّ، هيا لغة تحف. en puissance.

Tertio: إناو كل دولي من دوول المتوسّط الشرقي، عندا لغتا مثل ما عندا بيريقا. عم يتفاعلو مع بعضن ومع التطور الطبيعي.

Quatro: المساواة بين المرا والرجال.

رح يضلُو ينطرو السفيني تشطط والطيارا تغطّ .

-هودي مش دخان نار مطفيّ، غيمة صيف ومارقا (وأكيد هالغيمي باعنا العدو الصهيوني من أورشليم، ت يخربش ع الإنصهار الوطني المبكّل. وإزا في حدا، - أكيد في – عم يفكر يفك الحلقا الضعيفي من جنازير الإنصهار. منطمّنكن من مبارح لهلق وللابد، إناو بتنتفك رقيتنا ع القليلي ثلاث أربع مرّات قبل م نفك أو نحلحل شي عقدي من عقد الإنصهار – إلا إزا صار شي زلزال بقوة الله، الله لا يسمح – ونحن متاكدين إناو مش رح ويسمح – ويرمت الرض برمي ناقصا. المتوسط الشرقي صار بالصين والصين صارت عنا.

ساعتا منعلن الحرب ع اللغا الصينيّ. لأنن ما عندن حروف ت نركب: إنصهار، لحمي، تعايش، الشقيقا، الأشقا، المسار، المسارين، والتلاخم ورح نطر نغير اللغا الصينيّ كمان.

-بيكفي إنك تطلع ب أيا واحد مئن، ت تقرا ع وجن كلن: إنن بيشمو صوت معلن قبل م يحكي. ولن:

- سكر بيتنا ع راسكن.

- ع راسنا وراسنا، وراس ولادنا.

كانو خمسي وعشرين. نخ مئن ثلاثين واحد بس .

-تسعا فاصلي سبعا من اللبناي، بيسوقو سيارتن ب اجرين، مثل م بيفگرو وبيعشو .

-قانون المساواة قدام الشريعا ما هوي إلا اشتراع المساواة قدام الله، محطوط بلغة السياسي.

ما كنت ضباي ولا نتفي (مثل ما بيتهموني الفاشين) لمن قلت إنو كل قانون أو دستور، أو تشريع، لازم يكونو مستوحايين من الإنجيل.

شرعة حقوق الإنسان اللي هي زروة الرقي بتاريخ البشر، نكتب ع وهج الحضارا اللي مهما صار، رح تضل تملي من روح الإنجيل .

-هون نايم: الرئيس اللي كانو يبصمو عتو. وكان يحكي ب اسم الكل ما عدا إسمو. صار مثل الما عاد يفهم ولا يحلو إلا ما ياكل "كف". زبطولو إيدو بخيط مصيص حتا ما يضرب الموت بالكف.

ضلّ تسع سنين ورا بعضن يقعد أول صفّ وبالنص. وكل مرّا كان صباطو قدام وراسو خلف. ولمن فلّ كان بعدو مش مصيّق حالو إنو صار رئيس. صلّو عن راحو أول صفّ وكرسة النص .

